

## Ya romellang ditshepe tsa sekerepe kantle ho naha o fumanwe a le molato wa ho bua leshano ho Bolaodi ba Meedi

**Tshwane, 3 Tlhakubele 2022** – Khampani ya thomelontle e mane Cape Town mmoho le molaodi wa yona ba fumanwe ba le molato wa ho se tsebahatse tsohle tse mabapi le moqeqeko wa tshepe tsa sekerepe ka sepheo sa ho qoba ho lefa dikgafa tsa thomelontle tse sa tswa tsebiwa haufinyane tjena tsa ditshepe tsa sekerepe.

Khampani ena, *Scrapmania*, mmoho le molaodi wa yona, Joseph Daniel Hurling, ba iphumane ba le molato qosong ya ho etsa tsebahatso ya leshano ho Bolaodi ba Meedi mme bobedi bona ba fumantshwa kotlo ya R500 000, Mong. Hurling o fumantshitswe kotlo ya tlatsetso ya R100 000 mane Lekgotleng la Lebatowa la Durban.

Ka la 23 Loetse 2021, *Mirage Shipping* e ile ya sebetsa tsebahatso ya thomelontle ya dikhontleina tse leshome tsa “polymers le ethylene” boemong ba *Scrapmania*. Morwalo ona o ne o tswa Cape Town ho leba boemakepeng ba Durban, moo e itseng ha o fihla, wa tshwarwa teng hore o tle o hlahlojwe ka mora hore o hlokomelwe o le o belaetsang ke mokgwatshebetso wa Bolaodi ba Meedi.

Ka la 12 Mphalane 2021, o ile wa hlahlojwa mme ha fumanwa hore o kentse ditshepe tsa sekerepe, tseo tsona di hlokanang phemiti ya *International Trade Administration Commission* (ITAC) mme o bile o lokela ho lefa dikgafa tsa thomelontle.

Ho ile ha bulwa nyewe ya bonokwane mme ya ngodiswa le SAPS ka lebaka la ho tloiswa ha Molao wa Bolaodi ba Meedi le tse Kenang le ho Tswa ka Naha mmoho le Molao wa ITAC.

Indasteri ya ditshepe tsa sekerepe ke indasteri ya dibiliyone-biliyone mme e na le seabo se ka bang R15 billion ka selemo tlhahisong ya Afrika Borwa kaofela.

Ka 2017, khampani ya ditshepe tsa sekerepe e ile ya hloleha nyeweng e neng e le Lekgotleng la Molao wa Motheo e neng e phephetsa dipehelo tsa thomelontle ya ditshepe tsa sekerepe, tse tsejwang e le mokgwatshebetso wa peho ya poreisi, mmoho le qeto ya ITAC ya ho hana ho ntsha diphemiti tsa thomelontle, ho bapa le mokgwatshebetso wa peho ya poreisi. Sena se tla ka mora dilemo tse ka bang nne tsa mehato ya molao hodima hore na mokgwatshebetso wa peho ya poreisi o molaong kapa tjhe.

Khomishenara ya SARS Edward Kieswetter o itse, "SARS e ikemiseditse ho bebofatsa tsa kgwebisano le ho hodisa ikonomi ya naha ya rona. E tla tswela pele ho nolofaletsatsa bahwebi ba ikobelang boikarabelo ba bona ba molao dintho ka ho ba neha tlahakisetso le tiisetso. Ka tsela e tshwanang, SARS e ntse e ntlafatsa bokgoni ba yona ba ho thafalletsa le ho etsa hore ditjeo e be tse hodimo bakeng sa bahwebi ba ikgethelang ho se ikobele tefo ya lekgetho. Ena ke temoso ya hore re ka se lobe letho ho netefatsa hore bohle ba nang le seabo mefuteng ya boitshwaro bo tjena ba bonokwane re sebetsana le bona ka tsela e mahlonoko. Mokotla wa rona wa naha o ba le kgaello ka lebaka la diketso tsena tsa bonokwane tsa ho se tsebahatse tsohle".

Ho fumana lesedi le fetang lena, ka kopo ikopanye le [SARSMedia@sars.gov.za](mailto:SARSMedia@sars.gov.za)